

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0058798 24
Zenica, 12.08.2025. godine

OPĆINSKOM SUDU U VISOKO
- *Sudiji za prethodno saslušanje* -
VISOKO

Na osnovu čl. 45. stav 2. tačka i. i čl. 241. st. 1. ZKP-a FBiH, p o d i ž e m

O P T U Ź N I C U

Protiv:

E. G. R., zvani „A.“, osuđivan presudom Općinskog suda u ... broj: ...od 17.04.2003. godine za krivično djelo izazivanje opće opasnosti iz člana 304. stav 1. tada važećeg Krivičnog zakona FBiH (izrečena kazna zatvora u trajanju od 2 mjeseca koja je zamijenjena novčanom kaznom u iznosu od 3.000 KM i gdje je preostali neplaćeni dio novčane kazne u iznosu od 2.000 KM zamijenjen kaznom zatvora u trajanju od 40 dana), prema informacijama ..., poznat za počinjenje krivičnih djela teške krađe 1996. godine, nanošenje teške tjelesne povrede 1997. godine i 2010. godine, ubistvo (uhvaćen prilikom izvršenja krivičnog djela) 1999. godine, korištenje falsifikovanih dokumenata dva puta 2005. godine i 2019. godine, posjedovanje oružja 2005. godine, nezakoniti ulazak i boravak u B. 2005. godine i 2019. godine i prijetnja iz 2006. godine, pre sudski pritvor u periodima od 29.06.1996. godine do 30.08.1996. godine, 20.05.1997. godine do 12.07.1997. godine, 15.02.1999. godine do 22.05.2000. godine, izdržao kaznu zatvora od 22.05.2000. godine do 19.10.2015. godine i protjeran iz B. na dan izdržavanja kazne zatvora 19.10.2015. godine, u odnosu na istog izrečene i na snazi mjere zabrane rješenjem Općinskog suda u ... broj: ... od 14.06.2024. godine koje se ogledaju u zabrani sastajanja i kontakta sa oštećenim A. R., N. R., H. R. i A. B. (osnov sumnje da je počinio produženo krivično djelo ugrožavanje sigurnosti iz člana 183. stav 2. Krivičnog zakona FBiH u vezi sa članom 55. istog zakona), lišen slobode od strane ovlaštenih službenih lica MUP-a ZDK, Uprave policije, PU II, PS ...u 09.40 sati dana 24.06.2024. godine, predat tužiocu Kantonalnog tužilaštva Zeničko-dobojskog kantona dana 24.06.2024. godine u 14,17 sati.

što je:

Dana 03.06.2024. godine oko 13.00 sati, na području grada ..., na raskrsnici u ulici ..., dok se vozio na svom trotinetu, zaustavio isti pored vozila u kojem su se nalazili R. N. i njen sin R. H., te pljunuo u njihovom pravcu, nakon čega je ovima uptio ozbiljnu prijetnju riječima:

„jebat ću vam mater, zapamtiti ćete me“, te je na ovaj način ugrozio njihovu sigurnost, svjestan da će ovom prijetnjom izazvati osjećaj straha i ugroženosti kod istih, što je i htio,

čime je počinio krivično djelo Ugrožavanje sigurnosti iz člana 183. stav 2. Krivičnog zakona Federacije Bosne i Hercegovine.